

অবিলম্বে প্রকাশের উদ্দেশ্যে: 10/31/2019

গভর্নর অ্যাঙ্কু এম. কুওমো

গভর্নর কুওমো নিউ ইয়র্কবাসীকে পরবর্তী 36 ঘন্টার জোড়ালো বাতাস এবং বৃষ্টির জন্য প্রস্তুতি
নেয়ার আহ্বান জানালেন

*স্টেটের বেশিরভাগ স্থানে ঘন্টায় 60 মাইল বেগে দমকা হাওয়া বইতে পারে, বিশেষ করে লেক এরি
এবং লেক অন্টারিওতে*

*স্টেটের জরুরি অপারেশন সেন্টার (State Emergency Operations Center) উন্নত তদারকি ব্যবস্থা
সক্রিয় করেছে*

গভর্নর অ্যাঙ্কু এম. কুওমো আজ নিউ ইয়র্কবাসীকে একটি ঝড়ের জন্য প্রস্তুত হতে আহ্বান
জানিয়েছেন যেটি 40 থেকে 50 মাইল বেগে বয়ে যাওয়া বাতাস এবং 60 মাইল বেগে বয়ে দমকা
বাতাস নিয়ে আসবে, পাশাপাশি স্টেটের বেশিরভাগ স্থানে দুই থেকে তিন ইঞ্চি বৃষ্টিপাত হবে।
বৃহস্পতিবার রাত 11টা থেকে শুক্রবার দুপুর 2টার মধ্যে এই ঝড় শক্তিশালী হতে পারে এবং গাছ,
বিদ্যুতের লাইন ও সম্পত্তির ক্ষতি হতে পারে। জাতীয় আবহাওয়া পরিষেবা ইতিমধ্যে স্টেটের
বেশিরভাগ অঞ্চলে প্রবল বাতাস এবং বন্যার জন্য একাধিক পরামর্শক, পাহারা এবং সতর্কতা জারি
করেছে। নিউ ইয়র্কবাসীদেরকে আগত দিনগুলোতে স্থানীয় আবহাওয়ার প্রতিবেদনের প্রতি গভীর
মনোযোগ দেওয়া উচিত, পাশাপাশি বিদ্যুৎ বিভ্রাটের সময় তাদের পরিবার যাতে সুরক্ষিত থাকে
সেজন্য প্রয়োজনীয় পদক্ষেপ গ্রহণ করা উচিত। গাড়ি চালকদেরও সাবধানে ভ্রমণ করা উচিত, কারণ
ক্রসউইন্ড গাড়ি চালানোকে বিশেষত উচ্চ প্রোফাইলের যানবাহনগুলোর পক্ষে অসুবিধা করতে পারে।

"আমরা দুর্যোগপূর্ণ আবহাওয়ার সাথে অপরিচিত না হলেও, আমি সকল নিউ ইয়র্কবাসীকে সম্ভাব্য
বিপদজনক বাতাস এবং বন্যার জন্য প্রস্তুত হতে অনুরোধ করছি", **গভর্নর কুওমো**
বলেন। "আমাদের স্টেট সংস্থা এবং জরুরী ব্যবস্থাপনা দলগুলো প্রয়োজনে যত দ্রুত এবং
কার্যকরভাবে সম্ভব কমিউনিটিকে সহায়তা করার জন্য প্রস্তুত রয়েছে।"

বৃহস্পতিবার, একটি শক্তিশালী নিম্নচাপের স্টেট জুড়ে পূর্ব দিকে চলে যাবে, যার ফলে দুই থেকে
তিন ইঞ্চি বৃষ্টিপাত এবং ঘন্টায় 60 মাইল বেগে দমকা হাওয়া সহ প্রতি ঘন্টায় 40 থেকে 50
মাইল বাতাসের ঝাপটা নিয়ে আসবে, বিশেষত এরি লেক এবং অন্টারিও উভয় অংশে, যেখানে
লেকশোর বন্যার সম্ভাবনা রয়েছে। ন্যাশনাল ওয়েদার সার্ভিস ইতোমধ্যেই মোহক উপত্যকা, সাউদার্ন
টিয়ার এবং ক্যাপিটাল রিজিয়ন অংশের জন্য একাধিক বাতাস বিষয়ক পরামর্শক পাঠানো সহ,
অ্যালিগানি, সায়ুগা, শিটিউয়াকোয়্যা, ক্লিনটন, এরি, ফ্র্যাঙ্কলিন, গিনিজ, জেফারসন, লুইস, লিভিংস্টন,

মনরো, নায়াগ্রা, ওন্টারিও, অরলিন্স, ওসওয়েগো, সেন্ট লরেন্স, ওয়েইন এবং ওয়াইমিং কাউন্টির জন্য জোড়ালো বাতাসের পাহারা এবং সতর্কতা জারি করেছেন। এছাড়াও, আলবানি, শিটিউয়াকোয়্যা, শেন্যাঙ্গো, এরি, ফুলটন, হ্যামিল্টন, হারকাইমার, জেফারসন, লুইস, মন্টগোমেরি, ম্যাডিসন, নাসাও, নায়াগ্রা, ওনিডা, ওসওগো, ওটসেগো, কুইন্স, রেনসেলার, সারাতোগা, শেনেকাটাডি, ওয়ারেন এবং ওয়াশিংটন কাউন্টির জন্য বিভিন্ন হ্রদ তীরবর্তী, উপকূলীয় এবং সাধারণ বন্যা প্রহরা কার্যকর করা হয়েছে।

আবহাওয়া পর্যবেক্ষণ, সতর্কীকরণ, উপদেশ এবং সর্বশেষ পূর্বাভাসের সব খবরাখবরের জন্য, ন্যাশনাল ওয়েদার সার্ভিস (National Weather Service)-এর [ওয়েবসাইট](#) পরিদর্শন করুন।

এজেন্সির প্রস্তুতি

হোমল্যান্ড নিরাপত্তা ও জরুরি সেবা বিভাগ

নিউ ইয়র্ক স্টেট ডিভিশন অফ হোমল্যান্ড সিকিউরিটি অ্যান্ড ইমার্জেন্সি সার্ভিসেস স্টেট ওয়াচ সেন্টারকে বর্ধিত মনিটরিং মোডে রেখেছে এবং সকল স্টেট ও স্থানীয় অংশীদারদের সঙ্গে নিরন্তর যোগাযোগে রক্ষা করে চলেছে। যথাযথভাবে সংস্থান মোতায়েনের উদ্দেশ্যে স্টেট মজুদও প্রস্তুত থাকবে। স্টেটের অগ্নিকান্ড প্রতিরোধ ও নিয়ন্ত্রণ কার্যালয়ের কর্মীরাও প্রয়োজন মতো হাই-এক্সিলে গাড়ি মোতায়েন করতে প্রস্তুত থাকবেন।

ডিপার্টমেন্ট অফ ট্রান্সপোর্টেশন (Department of Transportation)

3,431 জন সুপারভাইজর এবং অপারেটর সহ পরিবহন দপ্তর পরিস্থিতি মোকাবেলার জন্য প্রস্তুত। এই সময়ে এই অঞ্চলের বাইরে থেকে কোনো মোতায়েনের পরিকল্পনা করা না হলেও, পুরো ঘটনার জুড়ে পরিস্থিতি বিবেচনায় এই প্রয়োজনগুলোর ক্রমাগত মূল্যায়ন করা হবে। সকল ক্ষতিগ্রস্ত বাড়িঘরগুলোতে ঘটনার পুরো সময়ে 24/7 কর্মীবাহিনী নিযুক্ত থাকবে, এবং পরিস্থিতি মোকাবেলার সরঞ্জামগুলো সচল রাখতে 24/7 মেকানিক সহায়তা থাকবে।

আঞ্চলিক তুরা বর্তমানে বন্যা এবং বায়ুর পরিস্থিতি মোকাবেলায় নিযুক্ত রয়েছে। ড্রেইনেজ ইনলেট, কালভার্ট এবং অন্যান্য ড্রেইনেজ কাঠামো পরিদর্শন ও জমে থাকা ধ্বংসাবশেষ সাফ করা হচ্ছে। সাধারণ পরিস্থিতি সম্পর্কে সচেতনতা বজায় রাখতে রুটিন টহল পরিচালনা করা হচ্ছে। তাৎক্ষণিকভাবে পাঠানোর উদ্দেশ্যে পরিস্থিতি মোকাবেলা করার ট্রাকে জেনারেটর, পাম্প, চেইনস, হ্যান্ড টুলস এবং চিপার প্রস্তুত এবং লোড করা হচ্ছে।

সুলভ সকল বৃষ্টি/বন্যা পরিস্থিতি মোকাবেলার সরঞ্জাম মোতায়েনের জন্য প্রস্তুত। স্টেটব্যাপী সরঞ্জামের সংখ্যাগুলো নিম্নরূপ:

- 1512টি বৃহৎ ডাম্প ট্রাক
- গ্রিপল সহ 45টি লোডার্স
- সিউয়ার জেট সহ 18টি ভ্যাকুয়াম ট্রাক

- 35টি ট্র্যাকড খননযন্ত্র
- 49টি হইলড খননযন্ত্র
- লোবয় ড্রেইলার সহ 55টি ট্র্যাক্টর ড্রেইলার
- 15টি ড্রি ফু বাকেট ট্রাক
- 38টি ট্রাফিক সিগন্যাল ট্রাক
- 7টি পানির পাম্প
- 76টি চিপার

মোটরচালকদের স্টেটের এই আইন মনে রাখতে বলা হচ্ছে যে কোনো ইন্টারসেকশন যদি "ব্ল্যাকড আউট" হয়ে যায় এবং ট্রাফিক সিগন্যাল কাজ না করে, তাহলে ইন্টারসেকশনটি স্বয়ংক্রিয়ভাবে "পুরোপুরি" বন্ধ। বন্যা, তার ছিড়ে পড়া বা ধ্বংসাবশেষের জন্য যদি রাস্তাঘাট বন্ধ বা আটকে যায়, মোটরচালকদের সতর্কতার সাথে কাজ করার উপদেশ দেওয়া হচ্ছে এবং সব ট্রাফিক সাইন ও ব্যারিকেড মেনে চলতে বলা হচ্ছে এমনকি যদি রাস্তা সাফ মনে হয় তখনো।

থ্রুওয়ে অথোরিটি (Thruway Authority)

673 জনের বেশি অপারেটর ও সুপারভাইজার, ছোট থেকে মাঝারি আকারের এক্সক্যাভেটর, প্লাও/ডাম্প ট্রাক, বড় লোডার, এবং বেশ কিছু বহনযোগ্য VMS বোর্ড, বহনযোগ্য লাইট টাওয়ার, ছোট জেনারেটর, ছোট পাম্প টানার ট্রেলার এবং যেকোনো ধরনের পথ ঘোরানো বা বন্ধের জন্য ট্রাফিক সাইন ও অন্যান্য ট্রাফিক নিয়ন্ত্রণ যন্ত্র নিয়ে পুরো স্টেটে বায়ু-সংশ্লিষ্ট সমস্যার সমাধানে কর্মীরা প্রস্তুত রয়েছে।

থ্রুওয়ে অথোরিটি মোটরচালকদের তাদের মোবাইল অ্যাপ ডাউনলোড করতে উৎসাহিত করে যা [আইফোন](#) এবং [অ্যান্ড্রয়েড](#) ডিভাইসে ডাউনলোড করার জন্য বিনামূল্যে উপলভ্য। এই অ্যাপটি মোটরচালকদের রাস্তায় চলার সময় সরাসরি প্রকৃত সময়ে যানবাহনের অবস্থা এবং ন্যাভিগেশনের সাহায্য প্রদান করে। এছাড়াও মোটরচালকরা সাইন আপ করতে পারে [ট্রান্সঅ্যালার্ট ইমেইলের](#) জন্য যা থ্রুওয়ের সর্বশেষ ট্রাফিক পরিস্থিতি প্রদান করে। প্রকৃত-সময় তথ্যের জন্য, মোটরচালকরা অনুসরণ করতে পারে টুইটারে [@ThruwayTraffic](#) বা [www.thruway.ny.gov](#) ভিজিট করে যেখানে তারা থ্রুওয়ে ও নিউ ইয়র্ক রাজ্যের অন্যান্য রাস্তার ট্রাফিক পরিস্থিতি প্রদর্শনকারী একটি ইন্টারেক্টিভ মানচিত্র দেখতে পারবে।

ডিপার্টমেন্ট অব এনভায়রনমেন্টাল কনজারভেশন (Department of Environmental Conservation)

ডিপার্টমেন্ট অব এনভায়রনমেন্টাল কনজারভেশন পুলিশ অফিসার্স, ফরেস্ট রেঞ্জার্স, ইমার্জেন্সি ম্যানেজমেন্ট স্টাফ, ও আঞ্চলিক কর্মীরা সতর্কবস্থায় রয়েছে ও ঘটবা প্রবাহ পর্যবেক্ষণ করছে এবং সংবেদনশীল অঞ্চল ও অবকাঠামো পরীক্ষা করছে। একুশ জন করাত-কর্মী স্টেটের গুরুত্বপূর্ণ অঞ্চলসমূহে কৌশলগতভাবে অবস্থান নিয়েছে এবং যেকোনো বৃষ্টি অপসারণ ও পরিস্থিতি মোকাবেলায় সহায়তা করতে প্রস্তুত রয়েছে। এছাড়াও, ইউটিলিটি যানবাহন সহ সকল উপলভ্য সম্পদ যেকোনো জরুরি পরিস্থিতি মোকাবেলায় সহায়তা করতে প্রস্তুত।

জনসেবা অধিদপ্তর (Department of Public Service)

প্রয়োজন অনুযায়ী পুনঃস্থাপন প্রচেষ্টার জন্য নিউ ইয়র্কের ইউটিলিটিগুলির কাছে বিদ্যমান কর্মীর সংখ্যা 4,500। ইউটিলিটিগুলি সতর্ক রয়েছে এবং ঝড়ের বিকাশ খুব মনোযোগ দিয়ে পর্যবেক্ষণ করছে এবং যেখানে প্রয়োজন পুনঃস্থাপন কর্মী নিয়োগ করবে। অধিদপ্তরের কর্মীরা ঝড়ের সময় ইউটিলিটিগুলির প্রচেষ্টা পর্যবেক্ষণ করতে থাকবে।

নিউ ইয়র্ক স্টেট পুলিশ (New York State Police)

নিউ ইয়র্ক স্টেট পুলিশ প্রয়োজন অনুসারে মোতায়েনের জন্য সকল 4x4, উচ্চ-এক্সেল যানবাহন এবং ইউটিলিটি যানবাহন সহ প্রয়োজনীয় জিনিসপত্র প্রস্তুত করেছে। টহল দেওয়ার সময় পানি বৃদ্ধির জন্য উচ্চ সতর্কতা এবং পরিস্থিতির উপর গভীরভাবে নজর রাখার জন্য ট্রুপারদের (Trooper) নির্দেশনা প্রদান করা হয়েছে।

পার্ক, বিনোদন ও ঐতিহাসিক সংরক্ষণ অফিস (Office of Parks, Recreation and Historic Preservation)

নিউ ইয়র্ক স্টেটের পার্ক, বিনোদন ও ঐতিহাসিক সংরক্ষণ অফিস বন্যার প্রস্তুতিতে সক্রিয়ভাবে জড়িত আছে, যার মধ্যে রয়েছে, সকল বন্যা পরিস্থিতি মোকাবেলার উপকরণে পর্যাপ্ত জ্বালানী রয়েছে এবং মোতায়েনের জন্য প্রস্তুত রয়েছে তা নিশ্চিত করা; কালভার্ট এবং ড্রেইনেজ কাঠামো থেকে পাতা ও ডালপালা পরিষ্কার করা; চিহ্নিত ঝুঁকিপূর্ণ বৃক্ষ এবং ডালপালা অপসারণ করা; বাতাসে নড়বড়ে হয়ে যাওয়ার সম্ভাবনা রয়েছে এমন সকল আলগা আইটেম নিরাপদ করা; এবং বন্যা প্রবণ এলাকা থেকে উপকরণ উঁচু স্থানে স্থানান্তর করা।

নিরাপত্তা পরামর্শ

সম্ভাব্য লোডশেডিং মোকাবেলায়, নিউ ইয়র্ক-এর অধিবাসীদের যা করা উচিত:

- জরুরি ফোন নম্বরগুলোর একটি তালিকা হাতের কাছ রাখুন।
- বাসায় বা কর্মস্থলে, ব্যাটারি-চালিত একটি রেডিও ও ফ্ল্যাশলাইট, এবং অতিরিক্ত ব্যাটারি সাথে রাখুন। পানি, ঔষধ, ও শুকনো খাবারের জরুরি সরবরাহ মজুদ রাখুন। আপনি যদি রেফ্রিজারেটরে রাখতে হয় এমন কোনো ঔষধ সেবন করেন, জেনে রাখুন যে বেশিরভাগ ঔষধ কয়েক ঘণ্টার জন্য বন্ধ রেফ্রিজারেটরে রাখা যায় – আপনার ডাক্তার বা ফার্মাসিস্টের সাথে পরামর্শ করুন।
- নিশ্চিত করুন যে আপনার ফোন বা চার্জ দিতে হয় এরূপ যন্ত্র চার্জের বিকল্প ব্যবস্থা রয়েছে। মোবাইল ফোন ও ব্যাটারি-চালিত যেকোনো যন্ত্র চার্জ দিন।
- আপনার রেফ্রিজারেটর বা ফ্রিজারে জায়গা থাকলে, প্লাস্টিকের বোতলে রাখার সময় এক ইঞ্চি সমপরিমাণ জায়গা খালি রেখে বোতল ভর্তি করুন – এর ফলে বিদ্যুৎ চলে গেলেও খাবার ঠাণ্ডা থাকে।

- আপনার গ্যারেজের দরজা যদি বৈদ্যুতিকভাবে খুলতে হয়, তাহলে ম্যানুয়ালি খোলার স্থানটি শনাক্ত করে রাখুন ও কিভাবে সেটি খুলতে হয় জেনে নিন।
- আপনার গাড়ির গ্যাসের ট্যাংক কমপক্ষে অর্ধেক ভরে রাখুন; গ্যাস স্টেশনগুলো পাম্প চালানোর জন্য বিদ্যুতের উপর নির্ভরশীল। আপনি যদি যন্ত্র চার্জ দেওয়ার কাজে গাড়ি ব্যবহার করেন, সেক্ষেত্রে গ্যারেজে গাড়ি চালু রাখবেন না, গাড়িটি আংশিক বন্ধ স্থানে, বা বাসার কাছাকাছি রাখবেন না – এতে কার্বন মনোঅক্সাইড বিষক্রিয়া তৈরি হতে পারে।
- ক্যাম্প স্টোভ বা আউটডোর গ্রিলের মতো বিকল্প রান্নার ব্যবস্থা করে রাখুন। বাসার বাইরে এর ব্যবহারের যথাযথ নিরাপত্তা নিয়মাবলী অনুসরণ করুন।
- আপনি বাসায় কোনো জেনারেটর লাগানোর চিন্তা করে থাকলে, সেটি কেনার বা প্রতিস্থাপনের পূর্বে একজন বিদ্যুৎ মিস্ত্রি বা প্রকৌশলীর পরামর্শ নিন।
- উষ্ণতার জন্য হাতের কাছে বাড়তি কম্বল, কোট, হ্যাট, ও হাতমোজা রাখুন।
- আপনার কম্পিউটার থাকলে, ফাইল ও অপারেটিং সিস্টেম নিয়মিত ব্যাক আপ রাখুন। অব্যবহৃত অবস্থায় সব কম্পিউটার, মনিটর, ও অন্যান্য যন্ত্রপাতি বন্ধ করে রাখুন।
- আপনি মেডিকেল উপকরণ জাতীয় ব্যাটারি-চালিত বা বিদ্যুৎ-চালিত কিছু উপর নির্ভরশীল হলে, বিকল্প চিন্তা করে রাখুন। যেমন, আপনার টেলিফোনের জন্য যদি বিদ্যুৎ সংযোগ আবশ্যিক হয়, সেক্ষেত্রে একটি প্রমিত টেলিফোন হ্যান্ডসেট, মোবাইল ফোন, বা রেডিওর মতো বিকল্প যোগাযোগের ব্যবস্থা করে রাখুন।
- স্টেটের অথবা স্থানীয় ওয়েবসাইটে গিয়ে আপনার এলাকার জরুরি পরিকল্পনা সম্পর্কে জেনে নিন, যেমন- নিকটস্থ শীতল ও উষ্ণ আশ্রয়কেন্দ্রের অবস্থান।

বিদ্যুৎ চলে গেলে, নিউ ইয়র্কের অধিবাসীদের উচিত:

- বিদ্যুৎ-চালিত গুরুত্বপূর্ণ যন্ত্রপাতি ও অন্যান্য উপকরণ বন্ধ করে রাখুন বিদ্যুৎ সংযোগ বিচ্ছিন্ন করে দিন, যেমন- কম্পিউটার, কারণ বিদ্যুৎ সরবরাহ সাময়িক বেড়ে গেলে তা আপনার যন্ত্রকে নষ্ট করে দিতে পারে। একটি বাতির সুইচ চালু করে রাখুন যাতে বিদ্যুৎ ফিরে আসলে আপনি জানতে পারেন। যখনই বৈদ্যুতিক উপকরণ ব্যবহার করবেন, বিদ্যুৎ সার্জ প্রটেক্টর ব্যবহার করুন।
- বিদ্যুৎ চলে গেলে সেবা সংস্থাকে ফোন করুন এবং অফিসিয়াল তথ্যের জন্য স্থানীয় বেতার সম্প্রচার শুনুন। নিউ ইয়র্ক স্টেট-র ইউটিলিটি তালিকার জন্য নিউ ইয়র্ক স্টেট ডিপার্টমেন্ট অব পাবলিক সার্ভিস (New York State Department of Public Service) - এর ওয়েবসাইট পরিদর্শন করুন আপনার প্রতিবেশীর বিদ্যুৎ রয়েছে কিনা তা জানতে পরীক্ষা করুন। যোগাযোগ সহায়তা ও ফাংশনাল সহায়তা প্রয়োজন এমন ব্যক্তিদের খোঁজ নিন।
- জরুরি আলো জ্বালানোর জন্য কেবল ক্ল্যাশলাইট ব্যবহার করুন – মোমবাতি থেকে আগুন লাগার ঝুঁকি রয়েছে।
- রেফ্রিজারেটর ও ফ্রিজারের দরজা বন্ধ রাখুন – রেফ্রিজারেশন প্রয়োজন এমন বেশিরভাগ খাবার রেফ্রিজারেটরের দরজা বন্ধ অবস্থায় কয়েক ঘন্টা নিরাপদ থাকে। দরজা বন্ধ অবস্থায় রেফ্রিজারেটর কমপক্ষে চার (4) ঘন্টা খাবার ঠাণ্ডা রাখে। একটি পূর্ণাঙ্গ ফ্রিজার প্রায় 48 ঘন্টার জন্য তাপমাত্রা ধরে রাখবে।

- ঘর গরম করার জন্য কয়লার গ্রিল ইনডোর এবং গ্যাস স্টোভ ব্যবহার করবেন না – এগুলো থেকে ক্ষতিকর মাত্রার কার্বন মনোক্সাইড ছড়াতে পারে।
- ঠাণ্ডা আবহাওয়ায়, কয়েক স্তরের জামা পরে এবং বাইরে কম সময় কাটানোর মাধ্যমে উষ্ণ থাকুন। ঠাণ্ডা-বাহিত বিভিন্ন উপসর্গ (যেমন, হাইপোথার্মিয়া) সম্পর্কে সচেতন থাকুন এবং এ ধরনের কোনো উপসর্গ দেখা গেলে ডাক্তার দেখান।
- তীব্র গরমে, কোনো সিনেমা হল, শপিং মল বা শীতল আশ্রয়কেন্দ্রে যেতে পারেন। বাড়িতে থাকলে, সবচেয়ে নিচের তলায় চলে যান – সেখানে ঠাণ্ডা বাতাস আসে। কম ওজনের, হালকা রংয়ের কাপড় পরিধান করুন এবং তেষ্ঠা না পেলেও প্রচুর পানি পান করুন।
- আপনি কোনো উঁচু ভবনে থাকলে, সিঁড়ি বেয়ে ভবনের সবচেয়ে নিচের তলায় নেমে যান। এলিভেটরে আটকে গেলে, সহায়তার জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন – এলিভেটরে প্রচুর বাতাস থাকে এবং এর ভেতরটা ব্যবহারকারির নিরাপত্তার কথা মাথায় রেখে তৈরি।
- আপনার পোশা প্রাণীকে সতেজ, ঠাণ্ডা পানি খাওয়াতে ভুলবেন না।
- অপ্রয়োজনীয় ভ্রমণ বাতিল করুন, বিশেষ করে গাড়িতে চড়ে। বিদ্যুৎ চলে গেলে ট্রাফিক বাতি কাজ করবে না, ফলে রাস্তায় জ্যাম লেগে যেতে পারে এবং গাড়ি চলাচলে বিপজ্জনক পরিস্থিতি তৈরি হতে পারে। লোডশেডিং অবস্থায় আপনাকে যদি গাড়ি চালাতেই হয়, তাহলে ট্রাফিক সিগনাল অকেজো থাকা সংযোগ সড়কগুলোতে 4-মুখী থামার নিয়মটি মেনে চলবেন।
- মনে রাখবেন যে ব্যাংকের এটিএম (ATMs) মেশিন ও এলিভেটর কাজ নাও করতে পারে।
- দীর্ঘ সময়ের জন্য বিদ্যুৎ না থাকলে, অন্য আরেকটি স্থানে যাওয়ার পরিকল্পনা করুন, যেমন- কোনো আত্মীয় বা বন্ধুর বাসা, অথবা উষ্ণতার বন্দোবস্ত রয়েছে এমন কোনো সরকারি ভবন।

আবহাওয়া পরিভাসার পূর্ণঙ্গ তালিকা ও বিদ্যুৎবিভ্রাটের পূর্বে, বিদ্যুৎবিভ্রাট চলাকালীন ও পরবর্তীতে প্রস্তুতি সংক্রান্ত ধারণার জন্য, হোমল্যান্ড নিরাপত্তা ও জরুরি সেবা বিভাগ (Division of Homeland Security and Emergency Services)-এর ওয়েবসাইটটি পরিদর্শন করুন <http://www.dhses.ny.gov/oem/safety-info/outage/>।

###

অতিরিক্ত তথ্য পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)